



樂函

五言絕句古

三娘子灣二首

暮

孤雲

閨意十首

懊儂曲十闕

日者倉卒催花自知唐突因為十絕謝過

庶幾花神破顏一笑耳十首

澗
詠梅

郝木仲年兄以李妍芳美人畫蘭見示命
余為詩因画端有木仲題有十字遂字
成一絕十首

平康曲四首

子夜冬歌二首

都門柳

細柳營

聽

九日登佛山

秋夜

七言絕句

明湖竹枝八闋

製燈

秋意

七夕

曾子固祠

深秋飲于北渚席上見蘆花

王美人豐豔軼群郝木仲年兄新字之曰
綠英命余贈之以詩乃清平詞三章

七夕

艷歌二闕

歲杪偶憶客冬有人饋鹽因為四絕自詭

都用鹽字四首

和攀也咏紫荆

楊村高樓

漁父

董子下帷處

董子讀書臺

王嬙故里二首

楊椒山故里

毛公授詩處

報國寺松

燕臺竹枝八闕

回自長安留李慈岩

趙埠口

蘆溝橋

抵所乘役車

天津道泛舟黍田中

壬申春莫同劉充實諸友登岱遊後石屋

斗母宮有女尼季才十四同遊多謔之因

為口號

哭劉十四舅元若八首

樂函

五言絕句

○三娘子灣

有女三為粲此灣獨著名。人能飲此水羞向妬。○
津行。

○二

雕欄十二重。重重鎖煙霧。色借柳絲縈。影落寒

濟南

葉承宗奕繩著

葉承桃奕紹較

樂函

卷三

友聲堂

潭暮

韓維岳曰借如津相形妙

○ ○ 暮

暮鳥織平林。縱橫下黃葉。林端新月出。如睹美人頰。

○ ○ 孤雲 平原道上

孤雲倚天末。如予城外山。既為霖雨出。不復在山間。

霍劍寒曰託寄高妙風律殊勝

○ ○ 閨意

疎櫺三十孔。不盡障輕紗。中罨一兩隙。早晚看棠花。

霍劍寒曰淡艷如不經意

○ ○ 二

空堦徧青艸。未忍竟誅鉏。是物藏春色。此間何可無。

武方塘曰女郎惜艸也是自家意思

○ ○ 三

漢詩
軸簾欲及半莫使接香階生怕雕梁怨妨他燕
子來

柳木仲曰怕梁怨妙妙

四

玉屏有嬌女較妾若為妍憐伊不解語聊伴畫
堂前

五

博山新拂拭不令盛添香莫冷灰間火殷殷為
待即

韓長孺曰火冷心熱

六

春困生柔腕微微倦繡鍼不貪即入夢誰待昵
香衾

王攀也曰媚熬

七

初試白紈扇暗香引細風怪得神清絕出即懷
袖中

八

攜鬟閒闋州為賭小花簪笑他癡兒女不解采
宜男

韓長孺曰若直說采宜男便無味

九九

素手調鸚鵡蒙然慘玉顏怪伊空解語不解喚
即還

孫毓祺曰不解語可憐解語又可怪宛轉迴

腸兒乎媚絕

十

初月影偏淡餘輝照我樓渾如夫婿性欲去不
能留

○ ○ 懊儂曲十闋三月十一日漫成無端縈懷
曾不抵春宵一夢偶作二百八十言已
懣之未免爾爾

翩翩楊柳枝折來植庭院春深蜚作花隨風落
如霰

二

缺月無全彩何勞翳太清會須疑皓魄別爾一

般明

三

乳燕出簷楹。歸來帶簾幕。依依戀画梁。南枝不
恋托。

四

盈盈花上露。終久不為雨。菅蒯蔓谷中。終久不
成縷。

五

蜚絮尚粘泥。落花尚繞枝。流水尚至海。于嗟空

爾為

霍劍寒日三疊

六

朝槿有新色。蜉蝣有楚衣。縱使好相識。人生能
幾時。

七

非鸚不宜籠。非鯉不為龍。非繡不能裳。非膠不
可弓。

霍劍寒日四開

樂

卷三

友聲堂

獨恨東流水直瀉太無情不恨東流水至坎猶
有聲

霍劍寒曰雙縮

九

濃雲翳長空不見三弄五誰道倚雲裁日邊無
所睹

十

笙篴雖非琴絃折亦可傷願言藉良工急急為

更張

霍劍寒曰不倫不脊如慕如疑瑣瑣小言竟
可當離騷一部其章法變轉逞亦未曾見此

體

郝木仲曰情不知所發一逞而浚即此十絕
中諸體備具柔腸轉轡可謂文生于情矣

劉東華曰蕭屑悲涼如聽蔡姬胡笳令人腸
斷

日者倉卒催花自知唐突因為十絕謝過



原件短缺

P7

庶幾花神破顏一笑耳

梅英未肯發。澁侶女兒唇。我見特憐甚。雖遲不
恐嗔。

○○○二

來觀未吐萼。如聽無絃琴。所重非聲色。相憐惟
此心。

○○○三

歛彩靜無語。含嬌倦未舒。人間憐淑女。偏在破
瓜初。

○○○十

含章以時發。騷人柰爾何。一枝將欲吐。春色不
須多。

○○○咏梅

孤寄苦簷下。憑人冷眼看。含香尚未吐。瘦骨不
驚寒。

○○○郝木仲年兄。召李妍芳美人。画蘭見示。命

余為詩。余因画端有木仲所題葉柔翻

怯露香透不關風。十字遂字成一絕

纖手弄香毫。染作芳蘭葉。弱卉拂輕颺。如承含

笑頰。素箋疑雪皎。膩腕似蕙柔。畧拈三兩筆。遂動一

庭秋。藏谷香仍滿。因風勢自翻。知希聲益貴。含態澹

忘言。空谷寂無人。自守香一捻。幽風振平林。頓令蘭

心恹。香恐桂花噴。態妨楊柳妬。弱質不禁憐。未敢承

多露

但覺柔管動。便作蕙蘭芳。出自美人手。非蘭亦

自香

秋滿異香饒。風來寒影闔。寂寂靜無言。脉脉芳

心透

幽姿媚川岩。高韵超流俗。借問青樓人。頗能解

此不

蘭生非一本。幽意每相關。縱使當門戶。多情不

忍刪

地。迥。神。偏。冷。姿。妍。態。自。工。天。然。元。斌。媚。不。待。藉。九
風。鹵。

○ ○ 平康曲

贈。郎。合。懽。扇。轉。眼。秋。風。起。郎。心。無。炎。涼。常。攜。懷。
袖。裏。

○ ○ 二

皎。皎。縞。素。帶。非。敢。羈。郎。足。願。將。憐。妾。心。徧。及。平。
康。曲。

○ ○ 三

姊。妹。或。妄。言。言。郎。無。實。意。郎。心。惟。儂。知。寧。詎。關。
渠。事。

○ ○ 四

姊。妹。搵。紈。扇。爭。言。識。阿。郎。但。看。螺。髻。上。誰。有。珍。
珠。光。

木仲曾贈落霞美人珍珠頭繩
郝木仲曰飄宕搵曳意態如画

○ ○ 子夜冬歌

雙。淚。滴。紅。冰。為。憶。所。歡。去。忍。將。含。淚。眸。簷。瓦。觀。
玉。筋。

○ ○ ○ 二
雖擁博山爐。不如俛卽臂。纖手撥寒灰。猶作相思字。

○ ○ 龍門柳

翼翼都門柳。寄言我欲歸。柳容如相識。彈汁染征衣。

○ ○ 細柳營

漢世有真將。相傳此駐兵。惟餘道旁柳。猶侶亞夫營。

○ ○ 睡

舟中何所事。惟弄睡相宜。覺來還借問。大半是鄉思。

○ ○ 九日登佛山

九日登高去。到山忽日斜。舊觀今已矣。入目止黃花。

○ ○ 秋夜

夜久月當戶。秋高風滿林。寒蟬喧斷砌。黃葉間疎砧。

七言絕句

明湖竹枝八闕
女伴乘春泛小艇
水平岸隱亂蕪葭
舟人畧放中流許
莫傍堤邊蹴淺芽

二

短篷踈幕一扁舟
新製春衫映碧流
纔近岸邊頻掩扇
恐妨夫婿在城頭

三

青青楊柳乍縈絲
茁茁蕪葭漸覆堤
祇今蓮葉

未出水待得藕成是幾時

高念東曰借物寓意竹枝本色

孫毓祺曰齊梁有此體

四

北極層臺百尺長
中途汗沁粉襟香
小姑為嫂搥紈扇
嫂道春寒不耐涼

五

為愛青青折柳枝
舟邊小立怯輕肢
桺痕着手臨流洗
溼却猩紅衫袖兒

王仲伸曰全不着力

六
綠鬢鬢。鬢襯杏花小。鬟二月。試輕紗。登臺南望。微微笑。遙指函山。是妾家。

七
春水縈紋嫩。綠姿青娥。注視展雙頤。久嫌衫子。花痕拙。歸向郎君。學樣兒。

王仲伸曰韻絕

八

日暮低徊懶下舟。小娥隱隱蹙眉頭。擬將來月。歸郎去。生怕阿婆未許遊。

懷麗明曰嘯史鐵心石腸。迺有此香艷之曲。可知梅巷一賦無減廣平風骨也。

製燈

閨中兀坐鎮無聊。為製花燈折柳條。待得郎來。便是節。何妨寒食賞元宵。

王仲伸曰宛葦少婦口脂香

秋意

蜚鳥依叢惜羽毛。清秋爽氣下林臯。同群相顧不相識。一夜西風侶剪刀。

劉東華曰託寄深遠凜然肌粟

七夕

錦杼初停渡漢津。經季心事訴來頻。總饒擅盡天孫巧。邨得閒時乞弄人。

王仲伸曰說得癡兒女多事

曾子固祠在千佛山半

公去齊州五百季。精魂猶繞舊山川。靈宮梵宇

類何許。廟貌于今尚儼然。

深秋飲于北渚席上見蘆花

澄湖一望冷薰葭。蜚絮依依遶案斜。醉裏渾忘秋色晚。惜騰還認作楊花。

王美人豈豔軼群郝。木仲年兄新字之曰

綠英命余贈之以詩。迺擬清平調三章

嬌藥驚看出上欄。撩人秀色倍宜餐。兀葩未許輕相擬。芳號新傳綠牡丹。

二

歷選名妹誰最嘉。風塵新見上陽。老便教姓字。通僊籍。宛是西池。萼綠華。

○○○三

豔質豐肌。絕世竒紅塵。青眼解憐伊。老猶穩護。封姨妬。長對堦前嫩綠姿。

○○○七夕

兒女穿鍼莫浪猜。天孫此夕渡河迴。經年別緒。訴難盡。邴得工夫乞巧來。

○○○艷歌二闕

將眠未眠。鴛衾歇。侶斷非。斷鐘音發。美人許我。入蘭房。欲來不來。斷人腸。

○○○二

將明未明。月猶影。侶夢非。夢心自驚。美人別我。下鴛衾。欲去不去。愁人心。

○○○歲杪偶憶客冬有人饋鹽因為四絕自詠

都用鹽字

灤源嘯史能甘澹。濟上醜君善守廉。但使一朝。居有竹何妨。三月食無鹽。

○ ○ ○ 二
聳○道○饋○肝○及○閔○貢○相○傳○送○酒○至○陶○潛○十○年○薺○菜○
不○嫌○淡○千○里○蓴○羹○未○下○鹽○

○ ○ ○ 三
鼎○養○不○嫺○藿○味○苦○蜂○房○偏○助○蔗○漿○甜○從○今○但○採○
梅○花○嚼○未○必○調○羹○盡○用○鹽○

○ ○ ○ 四
忘○味○空○嘲○笑○子○瞻○海○波○馬○得○徧○閭○閻○多○情○惟○有○
簷○前○雪○粒○粒○蜚○來○侶○撒○鹽○

○ ○ ○ 和攀也咏紫荆
紫○衣○千○隊○逐○春○生○遲○日○凝○粧○照○眼○明○怪○得○夜○來○
香○夢○裡○惜○騰○猶○自○叫○卿○卿○

○ ○ ○ 楊村高樓
百○尺○危○樓○枕○水○隈○烟○雲○隱○隱○護○層○臺○何○當○一○向○
高○頭○上○靜○看○征○帆○日○暎○來○

○ ○ ○ 漁父
漁○翁○荷○笠○在○煙○浦○舉○網○得○鱗○紛○可○數○秋○葉○包○魚○
歸○去○來○笑○酌○村○醪○向○遠○墅○

董子下帷處

蜚砂漠漠暮烟紫。董子帷空春艸生。獨有瀟瀟風雨夜。依稀猶似讀書聲。

王仲伸曰本色佳境

董子讀書臺

蔓艸如帷鏤不開。暮煙隱隱護書臺。先生不解窺園事。恠得荒阡徧綠苔。

郝木伯曰如帷紗

王媵故里

白溝擬傳當在穉歸今從俗

漠漠黃塵擁磧砂。明妃曾此學琵琶。不緣一旦君王寵。誰識邨西是妾家。

二

故苑于今春艸多。月明清影暗相過。獨憐青塚埋幽恨。不及施娘返芣蘿。

王仲伸曰即從故里着筆他人徒作咏明君耳

楊椒山故里

淡淡疎林古道傍。椒山勁骨此中藏。生平不喜

鵲聲急怪得寒鴉噪夕陽
椒山集中有惡鵲愛鴉二詩

○○○毛公授詩處

毛公夙昔衆稱賢口授葩編此地傳自是君詩
能解久而今不復數齊韓

○○○報國寺松

百尺亭亭偃蓋松蟠枝糾結鬱菁葱怪來形勢
多奇絕龍象原宜護梵宮

○○○燕臺竹枝八闕

燕中女兒十二三亂敲儺鼓手摻摻逢人也解

回身避獨自低頭私語喃

○○○二

買得高樓看晚燈危欄倚徧月華明長安士女
紛如許猶使僊郎獨自行

○○○三

鬢髮齊看十四鬟偶來月下步珊珊見人不作
輕迴避自執花燈鬧市間

○○○四

朝來為整碧雲拖陡地長顰淚雨多阿姊太季

同○理○髮○而○今○有○婿○画○雙○螭○

韓維岳曰奇士名姝銷魂隕淚

霍劍寒曰怨却不露

五

昨○月○花○燈○今○日○燒○相○將○欲○賞○閏○元○宵○阿○婆○媿○媿○
向○人○說○七○十○年○前○過○玉○橋○

六

新○製○春○衫○麝○半○薰○輕○羅○一○抹○稱○腰○身○恠○來○女○伴○
頻○相○眎○初○試○猩○紅○簇○蝶○裙○

七

庭○階○積○玉○葉○何○之○打○送○牆○陰○作○雪○獅○抵○暮○持○來○
燈○兩○盞○為○伊○添○箇○眼○睛○兒○

孫毓祺曰異想媚絕

八

大○市○南○頭○少○女○家○爭○看○過○馬○共○誼○譁○笑○郎○不○看○
儂○顏○色○空○自○街○頭○買○杏○巷○

霍劍寒曰逞見上元燈詩多矣如此媚媚香

艷宛然燕中仕女春風行樂圖也

○回自長安留李慈岩

渺渺秋空失雁羣。天涯游客一朝分。還家只帶燕山月。留却鹵風且伴君。

甘伯升曰韻入青蓮贈別諸什

○○○趙埠口

長堤密柳板橋連。紅蓼花心繫釣船。漁父狂歌歸酒市。高竿挂網夕陽邊。

王仲仲曰画

○○蘆溝橋

蘆溝曉月霽餘輝。夾岍垂楊欲拂堤。恠得上橋詩思發。鹵山爽氣沁吟脾。

○○抵岸乘役車

既從溪畔泛漁槎。又向塵途上役車。車上暫聞鞭策力。臥看鳧鳥亂汀沙。

○○天津道泛舟黍田中

古道于今一水通。晴波縠影漾鹵風。數聲款迺扁舟急。幾棹斜穿黍黍中。

○○壬申春莫同劉克實殷爾調李禹門陶銘

彛及奕紹翊明受茲諸弟登岱至黃巷
塹飲甘露泉北有高閣女道士焚修其
中望而不見但令老嫗捧藁本茶數盃
相啖耳因賦一絕

千尋琪閣隱霓裳但賜金莖一味香
莫戀天台羞不出吾儕元亦有劉郎

斗母宮有女尼季才十四同遊多謔之因

為口號

翠靨青眸十四鬟如何祝髮向空山
儂娥自解

為雲去但再來時何地看
辛未再登岱則已奔人矣

哭劉十四舅元若
余既為公作傳哀從中來復哭以詩入章

鵬血拚將灑野塵誰知報國有儒巾
獨憐太乙

藜端火化作華陰道上燐
已卯殉難華不注西

井伯升曰情至語工

〇〇二

華峯南望憶諸昆故里誰招屈子魂
腸斷鹵風歌楚夢不堪重上脊令原

〇〇三

春初美酒憶雙柑。寶劍常懸秋水函。此日鸞驂
歸斗北。空思麟綬在江南。公生于上元

懷麗明日慘摯

○○○四

羸骨巖巖臥碧砂。令威歸後已無家。故園婦女
猶相憶。盼殺當年擲果車。公美如冠玉

○○○五

惆悵偕亾子。敬琴誰憐歌發滿雲林。祇今風雨
瀟瀟夜。猶侶當年阮嘯音。公善嘯

○○○六

歷下何人咏大招。鸞旌今共碧雲遙。世人莫辨
柯亭笛。壁上于今冷玉簫。公善簫

○○○七

把臂詩壇憶昔遊。郢中才子足風流。經年不睹
匡衡說日對葩編。迥自愁。

○○○八

庭際生違嚴父訓。隰原死有愛兄懷。家聲賴子
千秋續。遺躅憑甥數韻諧。

樂函三卷終

樂函

四言詩

玉筋燈

黃雀三章

履畝勸農

歌

端二日同王仲神明湖偶泛

辛巳歲旱酌突泉涸余廼歌以唁之

立春後二日大雪早起披衣中堦凝眺因

樂函

卷四

友聲堂

憶梅花精神必王遂浮白而歌二

紫荊花

桃園道值雨

灤口曉渡

過河西務賦所見

中夜聳歌

天津晚泊聳鄰舟度曲

大雪

三月三日平原道上大雨

滄州曉發

流河阻風

江濤

江烟釣艇

孫敬甫食餼

芳蘭歌

鳳雛歌

賈生入泮

彭南溟遷灤上二

天台篇

禱雨歌

牛山交鋒

連報三捷

辭偽歸山

別肥鄉百姓

別永年百姓

弔宮娥墓

輓吳夫人

樂函

四言詩

濟南

葉承宗奕繩著
葉承桃奕紹較

。乙酉上元沍寒彌甚水着地輒凝兒予取
大箒橫置之而沃水其上淋淋而下皆
作寒條已復沃之呂數十計如膏之灌
炬纖者呂鉅促者呂長近百數枝長者
尺餘已復正置之高下燦列又如笙管

叢峙薄暮燃炬其中真水晶燈籠也因
思昔人有愛簷甕滴溜取為玉箸披玩
者惜其不知為華燈之具也且費不過
杯水功不過俄晷避刻繒翦綵之俗獲
神鏤天成之巧因與會之偶及還造化
之自然綴以四言以我勝情挹此冷韻

云爾

挹波叢若沃而玉筋寒條紛峙中銜一炬燦厥
晶籠軼迺火樹冰心玉壺對茲冷趣

王攀也庭梅將開黃雀啄之嘯史為之賦

黃雀 三章二章章六句一章八句

黃雀黃雀無啄我梅培茲經年聿見花開寒條
敷榮胡忍相摧

黃雀黃雀無啄梅英一啄花稀再啄花傷啄而
不已吾將馬望

黃雀黃雀聽我好音飫腹蘆洲置啄平林寒梅
幾何難饜眾禽尚遺一枝以慰印心

履畝勸農

露冕行春于彼南畝。蒸我髦士。言攜其手。于耜
舉趾。十千維耦。迺亦有秋。終善且有。有不稼不穡。
亦孔之醜。載芟載柞。不稂不莠。千倉萬箱。豈樂
飲酒。田峻司直。敢告農叟。

歌

○○○端二日同王仲伸明湖偶泛

蓮葉田田皆出水。柳鶯深護啄花觜。乞得鄰家
酒正美。一艇直泛湖西裏。菡萏如帷障芳沚。菡
萏僂僂初作蕊。荷葉為卮香沁齒。翠盤滿泛珍

珠髓醉後歌。驚雙鷺起。笑將餘瀝觴舟子。

王仲伸曰小小口占便帶鮑庚風致

○○○辛巳歲旱酌突泉涸余廼歌以唁之

君昔三尺噴蜚雪。遊人塗壁多奇絕。君今數奇
溘然乾。過客趨趨不忍看。人情炎涼鎮如此。不
謂一泉猶然爾。人生失意能幾時。會見奔騰噴
薄之于嗟乎。物不大蓄不大泄。千載霸源馬能
滅。風塵偶困休嗚咽。有我對君心尚熱。

嘯史自記辛巳泉涸宋人化我曰子無復泉

是望蓋王屋之源已竭矣于是投袂而起走
灤上痛飲而唁之匪獨間執讒慝之口也亦

聊曰自信云

却棧清曰激昂悲壯分明一則離騷

霍劍寒曰媿媿慰藉可謂名泉知己

○○○立春後二日大雪早起披衣中堦凝眺因

憶梅花精神必王遂浮白而歌

雪花綴榦瓊英集冷氣侵森梅鬼濕僊葩刃出

如可挹相倚亭亭寒玉立嬌姿宛如顰且泣欲

開未開意猶澁埽埃淨滌冰苔吸淡粧晶晶揮

粉汁踏尋不恤路厭浥凍毫先贈陽春什

○○○又

小簷一夜同雲鑱滿地蜚來寒玉顆添我梅卷

千萬朵繁英不管長條鞞侶搖不搖鎮婀娜真

葩間出芳姿嬌僊僊不逐空花墮熟幻熟真難

定妥為白為香論尤左我見兩般都皆可

王攀也曰清新綿麗絕于冰雪淨聰明矣

○○○紫荊花

繁英倚榦。驕新葉。姹紫凝成雲。萬疊市嫵爭妍。呈笑頰。石家春圃。叢嬌妾。妬來裂碎。輕綃摺。紛雨點。埃香一捻。蜂陣不憐芳。意怯春風。恣掠鮮。鮮。屬。

○ ○ 棗園道值雨 癸未季春北上暫還

桃園道上馬蹄急。叢雲釀雨翻。盆集咫尺市廛。不得入。青衫寸寸皆濡濕。笑向荒祠簷下。立于嗟乎頭角。森森暫復回。誰知猶帶雨霖來。

○ ○ 灤口曉渡

旭輪照水。水生目。凌曉挈舟歸。興感一篙撐開。烟萬幅。遙山入望。皆新沐。峭峯爽氣。侵征服于。嗟乎。遲爾。幾朝。帝里遊。歸來小試濟川舟。

郝木伯曰急辭拖尾遠韻故成絕調

○ ○ 過河西務賦所見

關河阻滯。旅心急。盪槳泝流。窻內濕。水濱日暮。綺羅香。素質亭亭。河畔立。照影晴波。私自憐。清歌一曲。雜繁絃。琵琶抱定。欲何處。笑向長蘆。賈客船。

甘伯升曰雅侶太古風

中夜聳歌

兒家朱戶對船窓。嚶喉嫋嫋試新腔。如慕如思不肯住。恍疑身在潯陽江。多情何事撩人急。鄉夢欲成驚又逸。夜半月明舟已行。空負霓裳露華濕。

王仲伸曰抑揚妙有節奏

天津晚泊聳鄰舟度曲

天津渡口蘭橈集。錦纜牙檣河畔繫。入晚風來

何習習。月光欲向蓬窓入。誰家船上清歌襲。瞥

見鄰舟狡童立。輕羅小襪青紗褶。手把紅牙檀

板執輕喉。一如訴且泣。嫋嫋餘音宛。可挹旅客

聳之心于邑。擁衾愈覺鄉思急。

大雪

剡北天寒風力疾。蜚來雪巷大如席。充搖書幌

漸生涼。潤逼爐烟半欲濕。踏雪沽來燕市醪。酣

歌一曲。郢雲高。偶乘酒力當堦立。為愛紛紛點

客袍。

〇〇〇三月三日平原道上大雨
 平原道上三月三。凌風觸雨促征驂。行潦漫漫
 一尺許。鞭將馬足試漁欄。遙天四幕叢雲黑。遠
 樹和烟如潑墨。人語鳥聲都不聳。惟見青青壠
 畔麥。佳節偏能觸旅心。裊鞭猶自振豪吟。何勞
 曲水能修禊。柳雨蜚來濯客襟。

〇〇〇滄州曉發

欸。廼。歌。聲。啾。啞。櫓。舟。人。曉。發。滄。州。浦。滄。水。粼。粼。
 滄。月。午。画。船。估。客。喧。簫。鼓。驚。回。旅。夢。不。能。眠。起。

看月明霜滿天

〇〇〇流河阻風

燕地多北風。况廼秋冬易。我行雖順流。無柰風
 色逆。雙槳擊寒波。欲進不盈尺。既笑片帆閒。復
 如來航劇。徒倚對夕曛。蒼茫望冰驛。雖曰滯津
 梁。猶幸遠塵陌。前邨酤斗酒。聊作舟中客。

〇〇〇江濤

濛雨漫江。江氣昏北風。吹水皺波浪。砰磕激盪。
 相吐吞。驚濤起立。虎豹蹲。百千萬隊如雲屯。排

滄。江。詩。七。
烟。破。霧。爭。狂。奔。流。漸。蜚。濺。來。蓬。軒。雙。帆。冉。冉。天。
際。騫。榜。人。牽。絙。聲。沸。喧。遠。眺。惟。聳。音。潺。湲。整。襟。
靜。對。肅。心。寬。大。哉。元。氣。何。崑。崙。知。從。何。處。問。真。
源。欲。贊。一。詞。難。具。論。

薛絳生曰渾淪元氣

江。烟。釣。艇

春。江。積。雨。易。生。煙。春。煙。漫。漫。接。遠。天。激。浪。排。空。
望。不。極。溯。游。蜚。渡。絕。人。船。南。人。使。船。如。使。馬。能。
身。驚。濤。相。上。下。身。披。蓑。笠。手。綸。竿。知。是。江。中。長。
年。者。江。雨。濛。濛。江。水。深。江。舟。漁。父。狎。江。潯。扁。舟。
縹。渺。知。何。處。風。過。猶。聳。款。迺。音。

賀。孫。敬。甫。食。餼

篤。教。家。世。傳。芳。躅。青。齡。度。出。彌。高。曲。月。俸。先。饒。
萬。選。錢。大。官。漸。錫。千。鍾。粟。市。上。爭。知。閉。戶。名。眷。
山。師。及。自。相。成。佇。看。橋。梓。蜚。騰。太。一。脉。猶。分。譜。
牒。榮。

平。子。之。弟。同。子。英。齡。入。泮。余。嘉。平。子。之。友。
于。兄。弟。而。克。成。父。志。也。為。芳。蘭。歌。呂。賀。

之

芳蘭不特生鴻雁必聯翔君看歷山上二惠相
 頡頏知君世濟高陽美祖武煌煌詒孫子世父
 滿栽河陽花迺翁豫修石渠史插架牙籤三萬
 軸迺翁舊許君能讀開卷猶瞻手澤新何當但
 果蟬魚腹東壁圖書函壁琴迺翁渴盡半生心
 少年向學如初日莫倚青齡失寸陰俎豆光衿
 佩香脊令原鳳凰崗轉瞬天香生桂子二難雙
 擢焯風裏莘鹿場中見鴈行歷山新改鳴珂望

又代孫毓祺

鳳雛自高蜚菜竹自成林羨君舞勺日頭角已
 森森卓君踞起高陽里平子難兄君難弟插架
 圖書手澤存奕世簪纓濟厥美衿佩分來俎豆
 允英齡已解紹書香看山昆季皆奇絕師友元
 來自一堂雙南金兩玉樹楊柳青青侶張緒明
 季滿擬桂巷焯雁行高奮蟾宮步

賈生入泮

鬱鬱崱山隈湯湯濟水潯北望多喬木高者矗

千尋于中世家子年少耀青衿家聲雄豸繡清
望重崔琴君季方弱冠頭角已森森薄言采泮
茆悠然見素心中原方有事壯士急須任尚陳
三表策紙貴雒陽金

彭南溟遷灤上

客從東城來愛我泉上淪低徊不忍去于馬遂
卜鄰我家灤源里喜君得相親聆君論画意因
之悟詩神詩神画意皆清絕相矚忻然無可說
來崔橋邊坐夜分明月滿潭映霏屑

又

彭生閩閩子兼之湖海士意氣薄煙霄神情在
山水貌物如有神不獨得其侶四壁雖蕭然耻
呂丹青市自子初臨泉上遊香毫冉冉画寒流
葉郎大笑向人說灤水新來顧虎頭

天台篇贈劉慶之 劉是叅戎子呂醫名

劉郎採藥天台裏秘錄親承二僊子跨崔蜚來
歷下城和丸但挹灤源水灤源水上池漿歷下
城垣一方知君將門種今廼懸壺藏寶劍佐刀

圭○征○袍○製○藥○囊○父○未○封○侯○子○作○僊○黃○石○新○兼○素○
問○篇○自○來○醫○道○如○兵○法○不○負○邦○江○有○世○傳○杏○林○
漸○滿○西○城○路○鮫○館○龍○來○舐○丹○具○生○怕○踈○遠○洞○口○
爽○功○成○長○嘯○天○台○步○

○○○楊山人禱雨歌俗號神僊

春○三○月○天○澤○歌○灤○水○微○龍○潭○竭○細○沙○難○任○杲○日○
炎○蕤○芽○不○敵○颶○塵○伐○上○官○露○禱○顙○甘○霖○願○為○大○
地○沐○焦○髮○爰○有○稷○門○栽○杏○叟○筵○前○解○喫○藥○巴○酒○
凌○晨○仗○劍○忽○登○壇○五○丁○驅○得○羣○龍○走○劍○一○擊○天○

陰○陰○劍○再○擊○雲○深○深○劍○三○擊○雨○淋○淋○于○嗟○乎○子○
號○神○仙○已○有○年○于○今○迺○始○信○其○然○神○仙○自○昔○皆○
妖○妄○活○得○殘○黎○便○是○僊○

韓長孺曰有章法好結穴

○○○牛山交鋒

刑○天○醉○握○戚○干○舞○大○隊○行○營○燒○侶○虎○健○兒○能○關○
六○石○弓○壯○士○皆○挽○百○鈞○弩○陳○師○鞠○旅○在○牛○山○劇○
寇○牽○風○不○逆○顏○只○今○高○阜○荒○蕪○地○猶○見○當○年○血○
色○殷○

連報三捷 朱大尹

煌煌干羽闐闐鼓。茂宰臨戎奮厥武。既缺我旂。破我斧。執訊獲醜。繫長組。一日三捷。功誰伍。士民聳之歌。且舞。盡道令公如虞詡。從此四方以無侮。

辭偽歸山

唯豺與虎不可與伍。惟虎與豺不可與偕。故園三徑荒。願言歸去來。歸去來。身斯潔。望并州。懷空切。

代別肥鄉百姓

肥城父老雖龍鍾。三年拮据此身同。助我城郭三千雉。憐爾郊原十萬鴻。三年惟飲漳河水。無行不弄二三子。洞開重門如我心。須知吾無隱乎爾。爾願無忘寇至時。我願無忘城守時。閭閻小忿不必發。恨煞不如畏。兒天意于今漸已回。况復保障鬱崔嵬。并州一望腸先熱。與爾有緣將復來。

代別永年百姓

曲梁父老意良美。頌我徒飲漳河水。送別難分
 富者財。贈言願入明人耳。菽麻有畔隨時耕。鄉
 里無知莫辨抵。恒將勤儉報公家。莫惜詩書教
 孫子。情親莫若厚粉榆。時平不可侈羅綺。我欲
 辨公如面譚。津津道之忘其俚。

○ ○ ○ 弔宮娥墓

墓在佛山北下院西佳蘇龍葱濯濯兵手

松楸殺盡浮圖出。蘿蔓縈牽荒塚暱。斷碑書名
 字半逸。香魂宵泣。山颼颼。蛾眉地下無相嫉。

薛絳生曰彷彿長吉

○ ○ 輓吳夫人歌

有序

嘗讀漢史霍太病云 **未** 未滅何以家

為未嘗不廢書而喟然嘆也。曰古將臣
 之國爾忘家也。固如此哉。然豪傑之生
 非獨其材猷茂也。亦其內助深焉。勝敵
 之畧爭于蝨弧。聞外事也。犒士之資取
 于簪珥。聞內事也。迺若助矣。而弗永享
 其齡勞矣。而遂賫志。已歿則吳將軍之
 元配甄夫人。洵可慟也已。吳將軍以北

邊良將從大中丞王公來鎮山左至則
 屬戎兵斬劇渠能已見于天下矣警
 之來大中丞以公主戰事亦既虎豹蹲
 而藜藿弗采爾時軍儲多訕犒賚或艱
 夫人悉索襟佩已資饗軍且無日不告
 將軍已上官之知遇不可負匪茹之勢
 不可玩而御下之術當威愛交濟也居
 亡何將軍東剿青郡而夫人已勞卒于
 師邸將軍還自青州不遑圖葬事遂奉

大中丞命攻賊營于荏平斬級數十所
 獲駱馬稱是難中士女緣是得脫者數
 百千人凱旋而歸又將從大中丞北勦
 廼于三月十日權厝于滌源里之三元
 宮葉子既得交驩將軍備知其夫人之
 賢于其歿也復喟然嘆曰此真吳將軍
 之配也哉誠恐當年驃姚未必有此內
 子也因與親友十人臨祭霽輶輓之已
 歌而序于首廼其歌曰

名媛天賦淑姿。瞻芳躅。流輦人所念。饗士朝。捐
玳瑁簪。送征暮。拂芙蓉。劍自伯之東。誰適容。春
風不恤蕙。惟空夫君旦晚圖。麟閣攜得宸章賁。
荒封。

樂函四卷終

書